

COMENTARIO

LEY COMO ARGUMENTO

E anuncio di ciere di Lago na Aruba a cay manera un bom. E fecha 31 di October di 1984 lo keda recorda den historia di Aruba como uno historico: Gobierno cu a comprende cu un parti grandi di su entrada lo desaparece; comercio cu a mira su weso di lomba herida; henter comunidad cu a comprende cu un pilar economico a cay y cu e derumbe lo lastra otronan bay cune. Pero den e desaroyo aki, un grupo a ricibi e golpi di mas fuerte: e trahadornan di Lago: e grupo di persona cu ta gana nan pan di cada dia na e compania, a soña di un futuro basa ariba e entrada na e compania y tabata depende di asistencia medico te educacion di nan yiunan di Lago, cu a dicidi di bay.

Si pa henter comunidad ciere di Lago tabata un shock, pa e grupo di trahadornan e tabata significa cu nan bida a keda kibra di un dia pa otro. Un grupo di persona cu tabata hala rosea conjuntamente cu e maquinanan di Lago, cu den hopi caso hasta a trece nan Aruba, caminda nan a forma nan biba.

Si e ciere di Lago por ta desastroso pa comunidad, pa e trahadornan di Lago, e anuncio tabata cuminzamento di fin. Pasobra por bisa cu nan por bay traha otro caminda; por bisa cu nan por hasta busca empleo den exterior. Pero mester tene cuenta cu e realidad, cu pa e trahadornan di Lago, ciere di e compania tabata kier meen luz cora derepente ora bo ta maneja na velocidad alto.

Si tur hende a grita pasobra medidanan impopular a ser tuma; si henter comunidad ta den gara di e aumentonan di tarifanan cu lo sigui aumenta pa cubri gastonan; si sindicatonan ta manifesta pasobra gruponan di trahador mester entrega, e trahadornan di Lago no tin pakico manifesta, no tin pakico haci nada: nan mester biba cu e solo noticia, Lago ta bay. E medida di austeridad cu a toca nan ta: bo ta entrega henter bo sueldo y bo ta haya un pensioen limita. Bo ta entrega tur beneficio y bo ta bay rondea algo pa reemplaze.

E salbabida fofo cu e trahadornan a haya ta, un suma di placa na final, e asina yama lay off pay. Pa malo cu situacion por ta, ningun persona cu ainda tin trabao na un lugar o otro lo envidia e trahadornan di Lago pa e suma cu nan lo ricibi. Simplemente pa motibo cu e suma aki ta e e entrada cu nan lo tin pa cierto tempo. E suma aki nan mester bay mira con pa hacie productivo, con pa hacie yuda nan forma un bida nobu, cu a ser presenta na un forma tan abrupto.

Si ta pidi Gobierno tene cuenta cu e publico cu mester paga mas pa tarifanan; si ta papia di justicia social pa otro trahadornan, anto tur hende lo ta conciente, cu caminda por yuda e trahadornan di Lago, mester duna un man. Y den esaki e intransigencia di e Ministro di Finanzas ta bini manera un bofta den cara di cualquier ciudadano cu ta kere den justicia social, cu ta algo mas cu un ley. E paar di millon cu Gobierno por ranca for di e grupo di trahadornan di Lago lo ta relativamente nada pa Gobierno compara cu loke e ta significa pa e grupo di trahadornan di Lago. Hasta Gobierno por a bini cu un proyecto, bisa cu tur e trahadornan enbez di paga e suma na belasting por incorpore den un o otro cooperativa cu Gobierno mes lo por a yuda nan forma cu tur e batayon di expertonan cu Gobierno a acumula.

Pero no, simplemente ta usa ley como argumen-

Durante reunion entre Gobierno y Lago a keda dicidi

LAGO NO POR DESMANTELA AINDA

ORANJESTAD(AAN)—
J h reunion extenso y basta intenso tabata tin ayera entre Gobierno y Exxon.

Despues di e encuentro e Consejero General di Bestuurscollege di Aruba, Betico Croes, a bisa DIARIO, cu e reunion a bay den un bon ambiente y cu e lo continua dia 29 di

Maart.

Esey ta significa cu na vispera di e ciere di Lago e dialogo entre e compania Exxon y Gobierno mester continua.

Un punto cu a keda dicidi ayera, tabata e hecho cu Exxon lo no permiti pa e partinan vital di e refineria ser desmantela.

Betico Croes a bisa DIARIO, cu esaki mester ser mira den luz di e hecho cu durante e dianan cu ta bini, Bestuurscollege lo mester mira kico por sali for di e conversacionnan cu ta tuma lugar cu tercer partidonan. Exxon a bay pues di acuerdo cu e petition di Gobierno y lo no cuminsa desmantela e partinan vital di Lago.

Algun siman promer cu ciere

LAGO TA SER PONI DEN OPTIMA CONDICION

Aspectonan di seguridad despues di ciere ta ser atendi

ORANJESTAD(AAN)—
Faltando algun siman pa ciere di Lago, DIARIO a haci informenan encuan to e actividadnan cu ainda ta tuma lugar ariba tereno di e compania.

E impresion cu ta ser crea ta, cu tur cos ta ser poni den optima condicion.

Tankin ta ser haci limpi, mescos cu e ductonan di azeta. Tambe por a nota cu e seabirdnan a ser renova, mescos cu tur loke por tabata den mal estado na e planta.

Segun informe, si cualquier rato kier cuminsa cu produccion, esaki ta posible, y hasta e powerplan ta den condicion. Basta movicion ta tumando lugar, indicando cu por tin conversacion ta tumando lugar cu gerencia.

Mientrastanto informantenan bon na altura a bisa DIARIO tambe cu e compania lo ta papiando cu varios

servicio di seguridad, pa nan determina kico lo bay haci pa seguridad na momento cu e compania definitivamente cera su

portanan.

Na un forma diferente for di loke por a ser spera Lago ta ser prepara pa ciere.

De Paula na Venezuela

AWE NO POR YEGA NA DECISION PA TRAHADORNAN LAGO

ORANJESTAD(AAN)—
Lo no por yega na un solucion di e asunto di pago di belasting ariba e compensacion pa retiro di trahadornan di Lago awe, pero e asunto lo ser trata te Dialuna den Consejo di Ministros.

Esey ta e informe clave cu DIARIO a ricibi ayera-nochi, y cu ta indica cu awe Ministronan no por tuma ningun decision.

E situacion den seno di Gobierno Central ta keda problematico, comoquiera cu e Ministronan di

Aruba aparentemente ta insisti cu mester yega na un areglo especial pa e trahadornan di Lago y cu awor no por bini cu un rulling, cu lo significa cu nan lo mester paga mas na belasting.

Informantenan a bisa DIARIO cu Promer Ministro Liberia Peters ta ocupa cu bishita di e promer Ministro di Dominica na Curacao, loke ta significa cu awe ta dificil pa reuni cune tambe.

Reunionnan cu consejeronan mester tuma lugar. E situacion ta uno problematico sigur comoquiera cu di un banda Gilbert de Paula a pone hasta su cartera disponible si e no haya loke e kier, esta cu e trahadornan di Lago paga .39 porciento di e compensacion na belasting, mientras cu di otro banda, e Ministronan di Aruba ta para ariba cu e rulling no por conta pa trahadornan di Lago.

to pa haya mas placa for di esnan cu a ser poni entre spada cu muraya.

E actitud di Ministro di Finanzas ta intransigente pa no usa e palabra inhumano. E ta zona absurdo especialmente for di boca di un gobernante, cu manera tur otro gobernante sabi exactamente cuanto buraco ley tin. Pasobra ley ta basa ariba justicia. Y mescos cu ley ta flexible ora por saca probecho politico, mescos awe ley mester ta flexible enfrente un grupo di hende, cu a mira nan mañan kibra den un minuut, ora Lago a bisa cu e ta bay!